

(<https://news.usm.my>).

Berita Mutakhir ▼

27 FEB

PELAJAR USM SANTUNI KANAK-KANAK AUTISM NASOM



USM, PULAU PINANG, 27 Februari 2017 - Kelab Kerja Sosial Universiti Sains Malaysia (USM) telah menganjurkan program bersama anak-anak Autism di The National Autism Society of Malaysia (NASOM) Butterworth, Pulau Pinang.

Menurut Pengarah Projek, saudari Ain Fariha, program ini bertujuan memberikan kesedaran kepada setiap pelajar yang menyertai program ini untuk memahami erti penghormatan terhadap golongan kurang upaya di samping menangkis tanggapan negatif terhadap golongan OKU.



"Selain itu, program ini juga bertujuan untuk menghapuskan jurang dan sempadan komunikasi antara kanak-kanak Autism dengan pelajar USM justeru mewujudkan keakraban antara pelajar dan kanak-kanak Autism ini, katanya.


Sementara itu, Yang di-Pertua Kelab Kerja Sosial USM, Syahirah Bastari pula menyatakan bahawa program ini berupaya memberi pendedahan awal kepada pelajar kerja sosial terhadap praktis bersama kanak-kanak Autism di samping memberi pendedahan sebenar bahawa anak-anak Autism juga mampu menyumbang kepada pembangunan negara suatu hari nanti.



Jelasnya, program sebegini mampu meningkatkan kesedaran terutamanya kepada pelajar dan ianya juga merupakan rentetan daripada ilmu dan fakta yang dipelajari sepanjang tempoh pembelajaran dan pengajaran di kelas.



Seramai 12 orang pelajar USM dan 17 orang kanak-kanak dan remaja Autism terlibat dalam program ini.



Program ini turut diiringi oleh dua orang pensyarah Kerja Sosial, Pusat Pengajian Sains Kemasyarakatan iaitu Dr. Mohd Taufik Bin Mohammad dan Dr. Nur Atikah Binti Mohamed Hussin.

Teks: Hafiz Meah Ghouse Meah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015